

منار يعني من حد ما بنولدوا يعني من سن 3 شهور لحديت ال21 سنة بتكون البلدية مسؤولة عن المواصلات فبعد ال21 بتوجهوا للشؤون فبتسير الشؤون هي المسؤولة على هذا الاشى فالحقوق سفر انا ما بيعيني هالشك اللي بيعطوني إياه لا يقدم ولا بأخر احنا بنودي احنا بنجيب كنت قبل رابطة مع شوفير يجيها لباب الأسباط حتى كنا احنا ندفع شك المواصلات اكرت وندفع ضريبة عاشك يعني راحت ما راحت متفقة مع الشوفير انو اعطيه 1400 شيكل اذا تأخرت عليه طبعاً بدو يروح متفقة انا وإياه باب الاسباط مرات يقلي انزلي تحت منار يكون صعب كتير تمشي منار اليوم عندها مشكلة بالمشي عندها دوالي اجرها بوجعها لما بتمشي بتتعب لما بتمشي بتنهت اليوم منار كبرت مش زي قبل البلدية كانت تيجي عند السبيس وتستننى ما كان عندها مشكلة بس اليوم لما الشؤون بتصير مسؤولة عنها بعد ما تصير 21 هون كتير مشكلة يعني كتير بنعاني مع المواصلات قعدنا خمس سنين الله بعلم فينا يعني دائماً نجيبها بعدين المشكلة الأصعب من هيك لما يكون الشوفير جاي جايب مرتو واولادو وما طب احنا ماخذينك معاك نوي احتياجات خاصة اللي عندهم مشاكل توحد ليشوفوا حدى غريب بعيد عنك بتشلح كترتها وبتزتها من الشباك بدها تشلح اواعيها تدايق تشوف الوجوه خلص تقفل معها فكان هذا كتير صعب عليها لحديت ما رسينا على حل انو أبو صالح قال أنا يوديها وأنا يجيبها فترك شغلو ترك شغلو عشان يودي منار يعني كرس وقتو وحياتو إنو هو يودي منار ويجيب منار فما بلحق يوديها ويرجع يسد أمور الحياة فواتير شغلان إلا هو بدو يجيبها فخلص تكفل إنو هو يوديها أنا كنت اواجه كتير صعوبات.